



REPUBLIKA E SHQIPËRISË  
KUVENDI  
SEKRETARI I PËRGJITHSHËM

Nr. 1161/1 Prot.

Tiranë, më 12.04.2017

**Lënda :** Mbi kërkesën e për rihapjen e thirrjes së interesit për kandidaturat nga radhët e avokatisë për Këshillin e Lartë të Prokurorisë

**Drejtuar:** Z.Igli Totozani  
Avokat i Popullit

**TIRANË**

I nderuar Z.Totozani,

Në përgjigje të shkresës tuaj, nr.108 Prot, datë 11.4.2017, drejtuar Kuvendit të Shqipërisë, lidhur me rihapjen e thirrjes për aplikim për kandidaturat nga avokatia për Këshillin e Lartë të Prokurorisë, ju vëmë në dijeni si vijon:

Ligji nr.115 "Për organet e qeverisjes së sistemit të drejtësisë", në pikën 6 të nenit 129 parashikon se Komisioni *Ad Hoc*, për aq sa nuk është parashikuar ndryshe në këtë ligj, e ushtron veprimtarinë e tij në mënyrë kolegjiale, sipas rregullave dhe procedurave të parashikuara në legjislacionin për organizimin dhe funksionimin e organeve kolegjiale.

Referuar ligjit nr 8480 datë 27.05.1999 "Për funksionimin e organeve kolegjiale të administratës shtetërore dhe enteve publike" shprehja e vullnetit të organeve kolegjiale materializohet dhe pasqyrohet në vendimet që merr organi kolegjial për çështje të cilat janë përfshirë në rendin e ditës, si dhe në procesverbalin, në të cilin bëhet një përmbledhje e çështjeve që janë diskutuar dhe e vendimeve që janë marrë.

Për sa më sipër, lutemi të na dërgoni vendimin e Komisionit *Ad Hoc* lidhur me përsëritjen e procesit të aplikimeve nga përfaqësues të avokatisë, dhe/ose procesverbalin ku është pasqyruar procedura e ndjekur për vlerësimin paraprak të kandidaturave të paraqitura, rezultati i votimeve si dhe ku është argumentuar domosdoshmëria e përsëritjes së procesit.



Gjithashtu, lutemi të na informoni edhe nëse ka pasur ankesa nga kandidatët, pas përfundimit të procedurës së verifikimit paraprak nga Komisioni *Ad Hoc* i ngritur për vlerësimin e kandidaturave nga avokatia.

Duke shpresuar në mirëkuptimin tuaj,

Albana SHTYLLA

SEKRETARE E PËRGJITHSHME

